



Møteprotokoll for Kommunestyret

Møtedato: 09.11.2016
Møtestad: Kommunestyresalen
Møtetid: 17.00 - 20.50

Møtet vart styrt av ordførar Øyvind H. Oddekalv.

Medlemmene var innkalla i skriv dat. 28.10.16 og møtet var kunngjort i pressa 18.10.16.

Det vart halde gruppemøte frå kl. 17:40-17:50, 18:55-19:05, 19:30 - 19:40 og frå kl. 20:25 - 20:40.

Kommunestyret hadde pause frå kl. 18:20 - 18:30.

Stian Lavik fekk permisjon frå kl. 19:15.
Kåre Skibenes møtte frå kl. 19:15.

Fredrik Seliussen og Terje Larsen vart erklært inhabil i sak 99.
Marthe Aadland og Steinar Erstad møtte til sak 99.

I starten av møtet spelte to elevar frå Meland kulturskule fleire musikkstykke på piano.

Møtedeltakarar	Parti	Rolle
Øyvind H. Oddekalv	AP	Ordførar
Nils Marton Aadland	H	Varaordførar
Anne Grete Eide	AP	Medlem
Erling Rønnestad	KRF	Medlem
Tormod Skurtveit	AP	Medlem
Kjersti Vikebø Nesse	AP	Medlem
Asbjørn Larsen	AP	Medlem
Tom Inge Karlsen	AP	Medlem
Åse Nina Sudmann	AP	Medlem
Mabel Johansen	H	Medlem
Thomas H. Wallem	H	Medlem
Fredrik Seliussen	H	Medlem
Sigmund Larsen	FrP	Medlem
Øyvind Bratshaug	FrP	Medlem
Henriette Fennelly	FrP	Medlem
Ørjan Evald Kristiansen	FrP	Medlem
Per Kristian Holmetun	SP	Medlem
Marit Samnøy Jøssang	KRF	Medlem
Stian Lavik	KRF	Medlem
Silje Ingelin Sæterstøl	V	Medlem
Beate Seveline Eknes	V	Medlem
Leif Johnsen	MDG	Medlem

Morten Klementsén	BF	Medlem
Marthe Aadland	H	Varamedlem
Terje Larsen	H	Varamedlem
Steinar Erstad	H	Varamedlem
Astrid Anne Fjeldstad	SP	Varamedlem
Bente Oliversen Sagstad	SP	Varamedlem
Kåre Skibenes	KRF	Varamedlem
Åshild Aamli	MDG	Varamedlem

Forfall meldt frå følgjande medl.	Parti
Karina Garnes Reigstad	MDG
Rune Lekven Skår	SP
Sølvi Norunn Knudsen	SP
Øystein Berland Blom	H

Desse møte frå administrasjonen: Rådmann Ingvild Hjelmtveit, personal- og organisasjonssjef Kari Anne Iversen, sektorsjef tekniske Anny Bastesen og økonomisjef Per Inge Olsen.

Protokollfører: Randi Hilland

10. november 2016

Øyvind H. Oddekalv
ordfører

Randi Hilland
konsulent

Sakliste

Saknr	Tittel
94/2016	Godkjenning av innkalling og sakliste
95/2016	Godkjenning av møtebok
96/2016	Referatsaker
97/2016	Orientering om status kommunestruktur
98/2016	Finansrapport per 31.08.2016
99/2016	Tilskot til private barnehagar i 2017-fastsetjing av satsar
100/2016	Justering av reglement for formannskapet
101/2016	Justering av reglement for Utval for drift og utvikling (UDU)
102/2016	Intensjonsavtale om vidareføring av utvalde tenester frå Business Region Bergen
103/2016	Reviderte føresegner til kommuneplanen sin arealdel
104/2016	Planstrategi for Meland kommune 2016-2020
105/2016	Høyring - ny kommunelov
106/2016	Uttale, framlegg om mellombels auka bompengesatsar i Bergen
107/2016	Høyringssvar - framlegg til endringar i matrikkellova, organisering av oppmålingstenesta
108/2016	Innspel til regional høyringsuttale - Utgreiing om Ringveg øst og E39 nord i Åsane
109/2016	Høyring - intensjonsplan for samanslåing av Sogn og Fjordane, Hordaland og Rogaland

94/2016: Godkjenning av innkalling og sakliste

Rådmannen sitt framlegg:

"Innkalling og sakliste vert godkjent."

09.11.2016 KOMMUNESTYRET

KS - 94/2016 VEDTAK:

"Innkalling og sakliste vert godkjent."

95/2016: Godkjenning av møtebok

Rådmannen sitt framlegg:

"Møtebok frå møte 21.09.16 vert godkjent."

09.11.2016 KOMMUNESTYRET

KS - 95/2016 VEDTAK:

"Møtebok frå møte 21.09.16 vert godkjent."

96/2016: Referatsaker

Rådmannen sitt framlegg:

"Meldingane vert tekne til orientering."

09.11.2016 KOMMUNESTYRET

Følgjande dokument vart delte ut i møtet:

Prosjektinfo - utgave 3 frå Brannsamarbeid i Bergensregionen
Årsmelding NGIR 2015

KS - 96/2016 VEDTAK:

"Meldingane vert tekne til orientering."

97/2016: Orientering om status kommunestruktur

Rådmannen sitt framlegg:

09.11.2016 KOMMUNESTYRET

Vellukka fellessamling på Nordhordland folkehøgskule 27. oktober for kommunestyra i dei tre kommunane.

Konstituerande møte i den førebelse fellesnemnda 17. november. I dette møtet skal ein vedta møteplan for våren og mandatet til nemnda.

KS - 97/2016 VEDTAK:

"Orienteringa vert teken til vitande."

98/2016: Finansrapport per 31.08.2016

Rådmannen sitt framlegg:

«Kommunestyret tek Finansrapport per 31.08.2016 til vitande»

19.10.2016 FORMANNSKAPET

Økonomisjef Per Inge Olsen orienterte.

FS - 87/2016 FRAMLEGG TIL VEDTAK:

«Kommunestyret tek Finansrapport per 31.08.2016 til vitande»

09.11.2016 KOMMUNESTYRET

KS - 98/2016 VEDTAK:

«Kommunestyret tek Finansrapport per 31.08.2016 til vitande»

99/2016: Tilskot til private barnehagar i 2017-fastsetjing av satsar

Rådmannen sitt framlegg:

«1. Det vert fastsett følgjande driftstilskot per heiltidsplass til ordinære private barnehagar:

Små barn: kr 180 108

Store barn: kr 85 702
Kapitaltilskot: kr 12 262

For Blåklokka og Drømmehagen vert det føreslege følgjande satsar for kapitaltilskot:
Kapitaltilskot Blåklokka: kr 14 760
Kapitaltilskot Drømmehagen: kr 17 400

2. Dersom det vert vedteke endringar i kommunal deflator eller makspris foreldrebetaling barnehage skal satsen for driftstilskot verte berekna på nytt.

3. Tilskot til private familiebarnehagar og kapitaltilskot til private familiebarnehagar vert fastsett på bakgrunn av fastsette nasjonale satsar når statsbudsjettet vert vedteke.»

19.10.2016 FORMANNSKAPET

Framlegg til endring i møtet av rådmannen sitt framlegg til vedtak:

"For Blåklokka og Drømmehagen vert det fastsett følgjande satsar for kapitaltilskot:"

Framlegg til tillegg i møte av rådmannen sitt framlegg til vedtak:

"Det vert teke atterhald om endeleg fastsetjing av kapitaltilskot."

Avrøysting:

Rådmannen sitt framlegg til vedtak med endring og framlegg til tillegg vart samrøystes vedteke.

FS - 88/2016 FRAMLEGG TIL VEDTAK:

«1. Det vert fastsett følgjande driftstilskot per heiltidsplass til ordinære private barnehagar:

Små barn: kr 180 108
Store barn: kr 85 702
Kapitaltilskot: kr 12 262

For Blåklokka og Drømmehagen vert det fastsett følgjande satsar for kapitaltilskot:
Kapitaltilskot Blåklokka: kr 14 760
Kapitaltilskot Drømmehagen: kr 17 400
Det vert teke atterhald om endeleg fastsetjing av kapitaltilskot.

2. Dersom det vert vedteke endringar i kommunal deflator eller makspris foreldrebetaling barnehage skal satsen for driftstilskot verte berekna på nytt.

3. Tilskot til private familiebarnehagar og kapitaltilskot til private familiebarnehagar vert fastsett på bakgrunn av fastsette nasjonale satsar når statsbudsjettet vert vedteke.»

09.11.2016 KOMMUNESTYRET

Nytt vedlegg til saka vart delt ut i møtet. I vedlegget var det korrigererte satsar for driftstilskot og kapitaltilskot.

Fredrik Seliussen, H og Terje Larsen, H hadde varsla at dei ville ha sin habilitet vurdert.

Fredrik Seliussen og Terje Larsen gjekk frå ved behandling av habilitetsspørsmålet.

Marthe Aadland, H, tok sete.

Kommunestyret erklærte Fredrik Seliussen og Terje Larsen inhabil i saka.

Steinar Erstad kom ved handsaming av saka og tok sete.

Marti Jøssang, KrF fremja dei korrigererte satsane for driftstilskot og kapitaltilskot.

«Det vert fastsatt følgjande tilskotssatsar til private barnehagar i Meland kommune for 2017:

Heildags driftstilskot ordinære barnehagar:

Små born 0 – 2 år: **kr 180 108**

Store born 3 – 6 år: **kr 85 702**

Kapitaltilskot vert fastsett per barnehage avhengig av byggeår.

For familiebarnehagar brukar vi dei nasjonale satsane.

Heildags driftstilskot er:

Små born 0 – 2 år: **kr 156 100**

Store born 3 – 6 år: **kr 118 900**

Kapitaltilskot for familiebarnehage: **kr 13 100**

Følgjande satsar per barnehage i Meland kommune gjeld dermed for 2017:

Satsar for kommunalt tilskot til private barnehagar i 2017	Blå klokka	Drømme- hagen	Espira Martha- haugen	Leiketun	Leirdalen	Læringsv. Flatøy	Læringsv. Maurtua	Lita-Go fam.bhg
Byggeår	2008 / 2012	2013	2007	2005	2005	1985	2004	
Driftstilskot små barn	180 108	180 108	180 108	180 108	180 108	180 108	180 108	156 100
Driftstilskot store barn	85 702	85 702	85 702	85 702	85 702	85 702	85 702	118 900
Kapitaltilskot per barn	10 240	16 800	8 600	8 600	8 600	8 600	8 600	13 100

Avrøysting:

Dette framlegget vart samrøystes vedteke.

KS - 99/2016 VEDTAK:

«Det vert fastsatt følgjande tilskotssatsar til private barnehagar i Meland kommune for 2017:

Heildags driftstilskot ordinære barnehagar:

Små born 0 – 2 år: **kr 180 108**

Store born 3 – 6 år: **kr 85 702**

Kapitaltilskot vert fastsett per barnehage avhengig av byggeår.

For familiebarnehagar brukar vi dei nasjonale satsane.

Heildags driftstilskot er:

Små born 0 – 2 år: **kr 156 100**

Store born 3 – 6 år: **kr 118 900**

Kapitaltilskot for familiebarnehage: **kr 13 100**

Følgjande satsar per barnehage i Meland kommune gjeld dermed for 2017:

Satsar for kommunalt tilskot til private barnehagar i 2017	Blåkkokka	Drømme- hagen	Espira Martha- haugen	Leiketun	Leirdalen	Læringsv. Flatøy	Læringsv. Maurtua	Lita-Go fam.bhg
Byggeår	2008 / 2012	2013	2007	2005	2005	1985	2004	
Driftstilskot små barn	180 108	180 108	180 108	180 108	180 108	180 108	180 108	156 100
Driftstilskot store barn	85 702	85 702	85 702	85 702	85 702	85 702	85 702	118 900
Kapitaltilskot per barn	10 240	16 800	8 600	8 600	8 600	8 600	8 600	13 100

100/2016: Justering av reglement for formannskapet**Rådmannen sitt framlegg:**

«Kommunestyret godkjenner at reglement for Meland formannskap vert justert i samsvar med vedtak i kommunestyret 04.05.11.»

21.09.2016 KOMMUNESTYRET

Saka vert trekt.

KS - 84/2016 VEDTAK:**19.10.2016 FORMANNSKAPET****FS - 89/2016 FRAMLEGG TIL VEDTAK:**

«Kommunestyret godkjenner at reglement for Meland formannskap vert justert i samsvar med vedtak i kommunestyret 04.05.11.»

09.11.2016 KOMMUNESTYRET

KS - 100/2016 VEDTAK:

«Kommunestyret godkjenner at reglement for Meland formannskap vert justert i samsvar med vedtak i kommunestyret 04.05.11.»

101/2016: Justering av reglement for Utval for drift og utvikling (UDU)

Rådmannen sitt framlegg:

«Kommunestyret godkjenner at reglement for hovudutvala vert justert i samsvar med vedtak i kommunestyret 04.05.11.

21.09.2016 KOMMUNESTYRET

Saka vert trekt.

KS - 85/2016 VEDTAK:

19.10.2016 FORMANNSKAPET

FS - 90/2016 FRAMLEGG TIL VEDTAK:

"Kommunestyret godkjenner at reglement for hovudutvala vert justert i samsvar med vedtak i kommunestyret 04.05.11."

09.11.2016 KOMMUNESTYRET

KS - 101/2016 VEDTAK:

"Kommunestyret godkjenner at reglement for hovudutvala vert justert i samsvar med vedtak i kommunestyret 04.05.11."

102/2016: Intensjonsavtale om vidareføring av utvalde tenester frå Business Region Bergen

Rådmannen sitt framlegg:

«Kommunestyret godkjenner intensjonsavtalen om vidareføring av tenester i Business Region Bergen.

Meland kommune betaler kr 7 pr innbyggjar i 2017 for dei to prosjekta Etablerarsenteret og Invest in Region Bergen. Det vert teke atterhald om at alle medlemskommunane og fylkeskommunen bidreg med same beløp pr innbyggjar.

Det vert utarbeidd ein eigen avtale som regulerer sambeidet ytterlegare frå 2017.»

19.10.2016 FORMANNSKAPET

FS - 91/2016 FRAMLEGG TIL VEDTAK:

«Kommunestyret godkjenner intensjonsavtalen om vidareføring av tenester i Business Region Bergen.

Meland kommune betaler kr 7 pr innbyggjar i 2017 for dei to prosjekta Etablerarsenteret og Invest in Region Bergen. Det vert teke atterhald om at alle medlemskommunane og fylkeskommunen bidreg med same beløp pr innbyggjar.

Det vert utarbeidd ein eigen avtale som regulerer samarbeidet ytterlegare frå 2017.»

09.11.2016 KOMMUNESTYRET

KS - 102/2016 VEDTAK:

«Kommunestyret godkjenner intensjonsavtalen om vidareføring av tenester i Business Region Bergen.

Meland kommune betaler kr 7 pr innbyggjar i 2017 for dei to prosjekta Etablerarsenteret og Invest in Region Bergen. Det vert teke atterhald om at alle medlemskommunane og fylkeskommunen bidreg med same beløp pr innbyggjar.

Det vert utarbeidd ein eigen avtale som regulerer sambeidet ytterlegare frå 2017.»

103/2016: Reviderte føresegner til kommuneplanen sin arealdel

Rådmannen sitt framlegg:

«Formannskapet godkjenner reviderte føresegner til kommuneplanen sin arealdel, med revisjonsdato 19.10.2016. Endringane gjeld ordlyden i §§ 1.2, 1.5.6, 1.6.3, 1.6.16, 2.1.1, 3.2, 4.1.2 og eitt bnr i tabell 8. Definisjonen av eining er teke inn i §§ 1.6.9, 1.6.12, 1.6.13 og 2.1.1a.»

19.10.2016 FORMANNSKAPET

Formannskapet ønskjer at saka skal til behandling i kommunestyret.

FS - 92/2016 FRAMLEGG TIL VEDTAK:

«Kommunestyret godkjenner reviderte føresegner til kommuneplanen sin arealdel, med revisjonsdato 19.10.2016. Endringane gjeld ordlyden i §§ 1.2, 1.5.6, 1.6.3, 1.6.16, 2.1.1, 3.2, 4.1.2 og eitt bnr i tabell 8. Definisjonen av eining er teke inn i §§ 1.6.9, 1.6.12, 1.6.13 og 2.1.1a.»

09.11.2016 KOMMUNESTYRET

Endringsframlegg frå Nils Marton Aadland, H:

"Pkt. 3.2. går ut."

Avrøysting:

Formannskapet sitt framlegg til vedtak med endringsframlegg frå Nils Marton Aadland vart samrøystes vedteke.

KS - 103/2016 VEDTAK:

«Kommunestyret godkjenner reviderte føresegner til kommuneplanen sin arealdel, med revisjonsdato 19.10.2016. Endringane gjeld ordlyden i §§ 1.2, 1.5.6, 1.6.3, 1.6.16, 2.1.1, 4.1.2 og eitt bnr i tabell 8. Definisjonen av eining er teke inn i §§ 1.6.9, 1.6.12, 1.6.13 og 2.1.1a.»

104/2016: Planstrategi for Meland kommune 2016-2020

Rådmannen sitt framlegg:

«Meland kommunestyre vedtek planstrategi for Meland kommune 2016-2020, datert»

09.11.2016 KOMMUNESTYRET

Tilleggsframlegg frå Marit Jøssang, KrF

"Rusmiddelplan og handlingsplan mot vald i nære relasjonar inkluderast i temaplan helse og omsorg."

Tilleggsframlegg frå Tom Inge Karlsen, AP:

Under pkt 5 - Overordna planar, Kommuneplan arealdelen

"Rullere på ulike tema, Bolig og næringsareal"

Avrøysting:

Tilleggsframlegget frå Tom Inge Karlsen fekk 16 røyster for, (7 AP, 3 SP, 3 KrF, 2 MDG, 1 BF), 11 røyster mot, (5 H, 4 frP, 2 V), og er såleis vedteke.

Tilleggsframlegget frå Marit Jøssang vart samrøystes vedteke.

Rådmannen sitt framlegg til vedtak med tillegg vart samrøystes vedteke.

KS - 104/2016 VEDTAK:

«Meland kommunestyre vedtek planstrategi for Meland kommune 2016-2020, datert 09.11.2016 med ovannemnde tillegg.»

105/2016: Høyring - ny kommunelov

Rådmannen sitt framlegg:

«Meland kommune vil på generell basis gi ros for at det er sett i gong eit arbeid med å utarbeida ei ny kommunelov. Eit arbeid av det omfang som NOU 2016: 4 representerer, kan føra til mange viktige diskusjonar knytt til det kommunale sjølvstyret og styring, oppfølging og utvikling av kommunen som organisasjon.

Arbeidet til lovutvalet er omfattande og inneheld mange endringar/presiseringar. Meland kommune vil spesielt peika på følgjande i høyringsfråsegna si:

- a) Meland kommune ser det som positivt at kommunelova i sin formålsparagraf eksplisitt tek inn ei stadfesting av det kommunale sjølvstyret. Formålsparagrafen verkar dekkande for innhaldet i lova.
- b) Meland kommune sluttar seg til at prinsippa om «forholdsmessighet», som inneber at nasjonale styresmakter ikkje bør gripa inn overfor kommunesektoren i større grad enn nødvendig, nærleiksprinsippet - at offentlege oppgåver bør desentraliserast, samt finansieringsprinsippet - oppgåver som skal løysast på vegner av staten bør vera fullfinansiert, blir inn teke i lova for å regulera forholdet mellom stat og kommune
- c) Meland kommune sluttar seg til den prinsipielle vurderinga til lovutvalet av at det er det representative demokratiet som skal utgjera kjernen i ny kommunelov. Samtidig støttar ein forslaget om endringar i tal underskrifter for å fremja innbyggjarforslag, og at det ikkje vert

innført ein rett for eit visst tal innbyggjarar til å krevje rådgjevande folkeavstemming om ei sak.

d) Meland kommune sluttar seg til forslaget til utvalet om at kommunen si generelle informasjonsplikt også skal omfatta verksemd som skjer i andre rettssubjekt enn kommunen, når slike rettssubjekt utfører oppgåver for kommunen.

e) Meland kommune sluttar seg til dei generelle prinsippa for etablering og organisering av arbeidet i folkevalte organ som utvalet føreslår utgreiinga, men vil presisera at dersom ein lovfestar at berre organ som er omtalte i lov skal kunne opprettast vil dette vera eit brot på prinsippet om at kommunestyret sjølv kan organisera eiga verksemd ut frå eigne føresetnader. Det bør vurderast nærare om kommunestyret bør ha tilgjenge til å oppretta andre folkevalte organ enn dei som er omtala i lov.

f) Meland kommune sluttar seg til dei generelle prinsippa for samhandlinga mellom folkevalte organ og administrasjonen som utvalet føreslår i utgreiinga

g) Meland kommune sluttar seg til tilrådingane til utvalet vedr lovfesting av forhold knytte til oppnemning av styrerepresentantar i kommunale føretak.

h) Meland kommune vil tilrå at utvalet sitt forslag og vurderingar om lovfesting av innsynet til folkevalt i administrasjonen sine dokument blir lagde til grunn i det vidare lovarbeidet.

i) Meland kommune deler utvalet si vurdering av at det kan representera eit demokratiproblem når ein stor del av oppgåveløysinga til kommunen skjer i regi av organ som ikkje er direkte underlagt kommunestyret.

j) Meland kommune sluttar seg til tilrådingane til lovutvalet og nye føresegner om styrking av ansvaret til kommunestyret for å etablera sentrale premissar for kommunen si økonomiforvaltning.

k) Meland kommune sluttar seg til lovutvalet sine forslag til endringar i føresegner om årsmelding

l) Meland kommune er positiv til den foreslåtte endring i lova som fører til ei tydelegare kopling mellom kommuneplanen og økonomiplanen.

m) Meland kommune sluttar seg til lovutvalet sine vurderingar kva gjeld lovfesting av internkontroll og dei ulike omsyna som skal varetakast gjennom eit godt internkontrollarbeid.

n) Meland kommune sluttar seg til utvalet si prinsipielle oppfatning av at dess betre kommunen sin eigen kontroll er, dess mindre behov er det for statleg tilsyn og kontroll og rapportering. For å redusera unødvendig rapportering – som krev ressursar kommunen betre kan bruka på andre område – er det viktig at rapportering til statlege styresmakter blir redusert som følge av auka eigenkontroll i kommunane.

o) Meland kommune vil tilrå at departementet i det vidare lovarbeid klargjer nærmare korleis kontrollutvalet sitt sekretariat kan ha ein uavhengig posisjon samtidig som sekretariatet framleis er ein del av kommunen sin organisasjon.

p) Meland kommune sluttar seg til utvalet sitt forslag om at det skal utarbeidast ei eigarskapsmelding til kommunestyret minst ein gong i valperioden

q) Meland kommune vil tilrå at det blir teke inn føresegner i kommunelova som sikrar likehandsaming mellom kommunen si eiga verksemd og anna ekstern verksemd på oppgåveområde der kommunen får ein tilsynsfunksjon

r) Meland kommune sluttar seg til tilrådinga til lovutvalet om at det ikkje er behov for å endra hovudinnhaldet i dagens føresegner som gjeld lovlegkontroll»

09.11.2016 KOMMUNESTYRET

Tilleggsframlegg frå Stian Lavik, KrF:

"Meland kommune er negativ til fleirtalet i lovutvalet si tilråding om at kravet til kjønnsbalanse ved forholdsval skal knyttast til organet som heilskap, og ikkje kvar einskild liste, som i dag. Den foreslåtte endringa vil gje ein inngripen i lokaldemokratiet. Meland kommune ynskjer å vidareføre gjeldande ordning, slik at omsynet til demokrati ved slike val må gå føre omsynet til kjønnsbalanse."

Endringsframlegg frå Stian Lavik, KrF:

"Meland kommune meiner at gjeldande reglar for kven som kan vera medlem i styret for eit kommunalt føretak kan vidareførast. Det ikkje er trong for å innskrenka reglane for utover det aksjelova krev. Framlegget frå lovutvalet vil i praksis gje kommunen mindre handlingsrom enn eit aksjeselskap."

Endringsframlegg frå AP:

Pkt c) 2. setning:

"...Samtidig støttar ein *ikkje* forslaget om endringar i tal underskrifter for å fremja innbyggjarforslag..."

Tilleggsframlegg frå AP:

"Meland kommune meiner at rådmann er eit betre namn enn kommunedirektør på administrasjonssjef, og bør haldast på."

Framlegg til endring av praksis ved lukkede møter i kommunestyremøter frå Morten Klementsén, BF:

"Nåværendre reglar om lukking av politiske møter må fortsette som før."

Framlegg til endring frå Per Kristian Holmetun, SP:

"Pkt. Q vert teke ut."

Avrøysting:

Rådmannen sitt framlegg til vedtak med unntak av pkt. C), G) og Q). vart samrøystes vedteke.

Endringsframlegget frå AP, pkt C) fekk 22 røyster for, (AP, FrP, SP, KrF, V, MDG, BF), 5 røyster mot (H), og er såleis vedteke.

Endringsframlegg frå Stian Lavik, KrF, pkt G, fekk 17 røyster for, (3 KrF, 7 AP, 4 FrP, 3 SP), 10 røyster mot, (5 H, 2 V, 2 MDG, 1 BF), og er såleis vedteke.

Endringsframlegget frå Per Kristian Holmetun fekk 8 røyster for, (3 SP, 5 AP), 19 røyster mot, (5 H, 4 FrP, 2 AP, 3 KrF, 2 V, 2 MDG, 1 BF), og fall.

Tilleggsframlegget frå Stian Lavik, KrF vart samrøystes vedteke.

Tilleggsframlegget frå Morten Klementsén fekk 19 røyster for, (1 BF, 7 AP, 4 FrP, 3 SP, 2 V, 2 MDG), 8 røyster mot, (5 H, 3 KrF), og er såleis vedteke.

Tilleggsframlegget frå AP fekk 11 røyster for, (7 AP, 3 SP, 1 MDG), 16 røyster mot, (5 H, 4 FrP, 3 KrF, 2 V, 1 MDG, 1 BF), og fall.

KS - 105/2016 VEDTAK:

«Meland kommune vil på generell basis gi ros for at det er sett i gong eit arbeid med å utarbeida ei ny kommunelov. Eit arbeid av det omfang som NOU 2016: 4 representerer, kan føra til mange viktige diskusjonar knytt til det kommunale sjølvstyret og styring, oppfølging og utvikling av kommunen som organisasjon.

Arbeidet til lovutvalet er omfattande og inneheld mange endringar/presiseringar. Meland kommune vil spesielt peika på følgjande i høyringsfråsegna si:

a) Meland kommune ser det som positivt at kommunelova i sin formålsparagraf eksplisitt tek inn ei stadfesting av det kommunale sjølvstyret. Formålsparagrafen verkar dekkande for innhaldet i lova.

b) Meland kommune sluttar seg til at prinsippa om «forholdsmessighet», som inneber at nasjonale styresmakter ikkje bør gripa inn overfor kommunesektoren i større grad enn nødvendig, nærleiksprinsippet - at offentlege oppgåver bør desentraliserast, samt finansieringsprinsippet - oppgåver som skal løysast på vegner av staten bør vera fullfinansiert, blir inn teke i lova for å regulera forholdet mellom stat og kommune

c) Meland kommune sluttar seg til den prinsipielle vurderinga til lovutvalet av at det er det representative demokratiet som skal utgjera kjernen i ny kommunelov. Samtidig støttar ein ikkje forslaget om endringar i tal underskrifter for å fremja innbyggjarforslag, og at det ikkje vert innført ein rett for eit visst tal innbyggjarar til å krevje rådgjevande folkeavstemming om ei sak.

d) Meland kommune sluttar seg til forslaget til utvalet om at kommunen si generelle informasjonsplikt også skal omfatta verksemd som skjer i andre rettssubjekt enn kommunen, når slike rettssubjekt utfører oppgåver for kommunen.

e) Meland kommune sluttar seg til dei generelle prinsippa for etablering og organisering av arbeidet i folkevalte organ som utvalet føreslår utgreiinga, men vil presisera at dersom ein lovfestar at berre organ som er omtalte i lov skal kunne opprettast vil dette vera eit brot på prinsippet om at kommunestyret sjølv kan organisera eiga verksemd ut frå eigne føresetnader. Det bør vurderast nærare om kommunestyret bør ha tilgjenge til å oppretta andre folkevalte organ enn dei som er omtala i lov.

f) Meland kommune sluttar seg til dei generelle prinsippa for samhandlinga mellom folkevalte organ og administrasjonen som utvalet føreslår i utgreiinga

g) Meland kommune meiner at gjeldande reglar for kven som kan vera medlem i styret for eit kommunalt føretak kan vidareførast. Det ikkje er trong for å innskrenka reglane for utover det aksjelova krev. Framlegget frå lovutvalet vil i praksis gje kommunen mindre handlingsrom enn eit aksjeselskap.”

h) Meland kommune vil tilrå at utvalet sitt forslag og vurderingar om lovfesting av innsynet til folkevalt i administrasjonen sine dokument blir lagde til grunn i det vidare lovarbeidet.

i) Meland kommune deler utvalet si vurdering av at det kan representera eit demokratiproblem når ein stor del av oppgåveløysinga til kommunen skjer i regi av organ som ikkje er direkte underlagt kommunestyret.

j) Meland kommune sluttar seg til tilrådingane til lovutvalet og nye føresegner om styrking av ansvaret til kommunestyret for å etablere sentrale premissar for kommunen si økonomiforvaltning.

k) Meland kommune sluttar seg til lovutvalet sine forslag til endringar i føresegner om årsmelding

l) Meland kommune er positiv til den foreslåtte endring i lova som fører til ei tydelegare kopling mellom kommuneplanen og økonomiplanen.

- m) Meland kommune sluttar seg til lovutvalet sine vurderingar kva gjeld lovfesting av internkontroll og dei ulike omsyna som skal varetakast gjennom eit godt internkontrollarbeid.
- n) Meland kommune sluttar seg til utvalet si prinsipielle oppfatning av at dess betre kommunen sin eigen kontroll er, dess mindre behov er det for statleg tilsyn og kontroll og rapportering. For å redusera unødvendig rapportering – som krev ressursar kommunen betre kan bruka på andre område – er det viktig at rapportering til statlege styresmakter blir redusert som følgje av auka eigenkontroll i kommunane.
- o) Meland kommune vil tilrå at departementet i det vidare lovarbeid klargjer nærmare korleis kontrollutvalet sitt sekretariat kan ha ein uavhengig posisjon samtidig som sekretariatet framleis er ein del av kommunen sin organisasjon.
- p) Meland kommune sluttar seg til utvalet sitt forslag om at det skal utarbeidast ei eigarskapsmelding til kommunestyret minst ein gong i valperioden
- q) Meland kommune vil tilrå at det blir teke inn føresegner i kommunelova som sikrar likehandsaming mellom kommunen si eiga verksemd og anna ekstern verksemd på oppgåveområde der kommunen får ein tilsynsfunksjon
- r) Meland kommune sluttar seg til tilrådinga til lovutvalet om at det ikkje er behov for å endra hovudinnhaldet i dagens føresegner som gjeld lovlegkontroll
- s) Meland kommune er negativ til fleirtalet i lovutvalet si tilråding om at kravet til kjønnsbalanse ved forholdsval skal knyttast til organet som heilskap, og ikkje kvar einskild liste, som i dag. Den foreslåtte endringa vil gje ein inngripen i lokaldemokratiet. Meland kommune ynskjer å vidareføre gjeldande ordning, slik at omsynet til demokrati ved slike val må gå føre omsynet til kjønnsbalanse.
- t) Nåværendre regler om lukking av politiske møter må fortsette som før."
-

106/2016: Uttale, framlegg om mellombels auka bompengesatsar i Bergen

Rådmannen sitt framlegg:

«Kommunestyret har ingen innvendingar mot auka bompengesatsar i Bergen i tråd med forslag til forskrift journalført 13.10.2016, under føresetnad av at:

- Det blir umiddelbart etablert eit fullgodt kollektivtilbod dei dagane dette gjeld
- Denne ekstra innsatsen må bestå av direktebussar til/frå Bergen sentrum, evt også utvida båtkapasitet
- Tiltak må varslast slik at dei som blir ramma kan innrette seg på ein god måte, utan tap av tid

Det vert elles vist til saksutgreiinga over her.»

09.11.2016 KOMMUNESTYRET

Framlegg til vedtak FrP v/Øyvind Bratshaug

«Kommunestyret har innvendinger mot økte bompengetakster i Bergen i tråd med forslag til forskrift journalført 13.10.2016, og mener Bergen Kommune må ta tak i utfordringene som ligger bak i lokale utslipp for å få ned lokal forurensing.

I dag er det ikke kapasitet innen kollektivtransporten som kan ivareta den økte belastningen en innføring av økte bompengetakster vil medføre, og kapasiteten kan heller ikke skaffes på kort varsel.»

Felles framlegg til vedtak frå AP, H, KrF, SP:

"Kommunestyret i Meland meiner at auka bompengetakstar i Bergen i tråd med forslag til forskrift journalført 13.10.2016 berre kan innførast under føresetnad av:

1. Det blir etablert eit fullgodt kollektivtilbod også ute i distriktene dei dagane dette gjeld.
2. Denne ekstra innsatsen må iverksettes i form av auka kapasitet med kollektivtransport (buss/båt) i distrikssonene til/frå Bergen sentrum og innfartsparkering.
3. Tiltak må varslast slik at dei som blir ramma kan innrette seg på ein god måte, utan tap av tid.
4. I tillegg må Bergen kommune ta tak i utfordringane som ligg bak i lokale utslipp for å få ned lokal forurensing.

Det vert elles vist til saksutgreiinga over her."

Avrøysting:

Rådmannen sitt framlegg til vedtak fekk 2 røyster for, (MDG), 25 røyster mot, (AP, H, FrP, KrF; SP, V, BF), og fall.

Framlegg til vedtak frå FrP v/Øyvind Bratshaug fekk 7 røyster for, (4 FrP, 2 V, 1 BF), 20 røyster mot, og fall.

Framlegget frå AP, H, KrF, SP fekk 20 røyster for, (7 AP, 5 H, 3 KrF, 3 SP, 2 MDG), 7 røyster mot, og er såleis vedteke.

KS - 106/2016 VEDTAK:

"Kommunestyret i Meland meiner at auka bompengetakstar i Bergen i tråd med forslag til forskrift journalført 13.10.2016 berre kan innførast under føresetnad av:

1. Det blir etablert eit fullgodt kollektivtilbod også ute i distriktene dei dagane dette gjeld.
2. Denne ekstra innsatsen må iverksettes i form av auka kapasitet med kollektivtransport (buss/båt) i distrikssonene til/frå Bergen sentrum og innfartsparkering.
3. Tiltak må varslast slik at dei som blir ramma kan innrette seg på ein god måte, utan tap av tid.
4. I tillegg må Bergen kommune ta tak i utfordringane som ligg bak i lokale utslipp for å få ned lokal forurensing.

Det vert elles vist til saksutgreiinga over her."

107/2016: Høyringsvar - framlegg til endringar i matrikkellova, organisering av oppmålingstenesta

Rådmannen sitt framlegg:

«Kommunestyret rår frå at matrikkellova vert endra slik det går fram av høyringsframlegget sendt ut 19.08.2016 frå KMD. Notat datert 10.10.2016 er kommunen sitt høyringsvar i saka, saman med saksutgreiinga.»

19.10.2016 FORMANNSKAPET

Framlegg til vedtak frå Sigmund Larsen, FrP og Nils Marton Aadland, H:

"Kommunestyret sluttar seg til framlegg til endringar i matrikkellova, organisering av oppmålingstenesta."

Avrøysting:

Framlegget frå Sigmund Larsen og Nils Marton Aadland fekk 3 røyster for, (FrP, H, V), 4 røyster mot, og fall.

Framlegget frå rådmannen fekk 4 røyster for, (2 AP, SP, KrF), 3 røyster mot, og er såleis vedteke.

FS - 93/2016 FRAMLEGG TIL VEDTAK:

«Kommunestyret rår frå at matrikkellova vert endra slik det går fram av høyringsframlegget sendt ut 19.08.2016 frå KMD. Notat datert 10.10.2016 er kommunen sitt høyringsvar i saka, saman med saksutgreiinga.»

09.11.2016 KOMMUNESTYRET

Framlegg til vedtak frå Sigmund Larsen, FrP og Nils Marton Aadland, H:

"Kommunestyret sluttar seg til framlegg til endringar i matrikkellova, organisering av oppmålingstenesta."

Avrøysting:

Formannskapet sitt framlegg til vedtak fekk 16 røyster for, (7AP, 3 SP, 3 KrF, 2 MDG, 1 BF), 11 røyster mot, og er såleis vedteke.

Framlegg til vedtak frå Sigmund Larsen og Nils Marton Aadland fekk 11 røyster for (5 H, 4 FrP, 2 V), 16 røyster mot, og fall.

KS - 107/2016 VEDTAK:

«Kommunestyret rår frå at matrikkellova vert endra slik det går fram av høyringsframlegget sendt ut 19.08.2016 frå KMD. Notat datert 10.10.2016 er kommunen sitt høyringssvar i saka, saman med saksutgreiinga.»

108/2016: Innspel til regional høyringsuttale - Utgreiing om Ringveg øst og E39 nord i Åsane

Rådmannen sitt framlegg:

«Kommunestyret i Meland sitt innspel til felles regional høyringsuttale til «Utgreiing om Ringveg øst og E39 nord i Åsane» går fram av saksutgreiinga over.»

09.11.2016 KOMMUNESTYRET

Framlegg til vedtak frå SP, Høyre, KrF, FrP og Venstre:

"Kommunestyret mener det er viktig å sikre gode kommunikasjonsårer mellom Nordhordland og Bergen. Delprosjektet E39 nord i Åsane må få høyest prioritet og regulering bør skje i statlig regi for å sikre hurtig fremdrift. Viser ellers til saksutgreiinga over."

Tilleggsframlegg frå MDG v/Leif Johnsen:

"Eit fullstendig klimarekneskap for dei ulike alternativa må gjennomførast."

Tilleggsframlegg frå AP:

"Statleg reguleringsplan må vurderast om ikkje Bergen startar opp planarbeidet med det første."

Avrøysting:

Tilleggsframlegg frå AP fekk 9 røyster for, (7 AP, 2 MDG), 18 røyster mot, og fall.

Framlegget frå SP, H, KrF, FrP og V fekk 18 røyster for, (3 SP, 5 H, 3 KrF, 4 FrP, 2 V, 1 BF), 9 røyster mot, og er såleis vedteke.

Tilleggsframlegg frå MDG fekk 8 røyster for, (2 MDG, 3 SP, 2 V, 1 BF), 19 røyster mot, (AP, H, FrP, KrF), og fall.

KS - 108/2016 VEDTAK:

"Kommunestyret mener det er viktig å sikre gode kommunikasjonsårer mellom Nordhordland og Bergen. Delprosjektet E39 nord i Åsane må få høyest prioritet og regulering bør skje i statlig regi for å sikre hurtig fremdrift. Viser ellers til saksutgreiinga over."

109/2016: Høyring - intensjonsplan for samanslåing av Sogn og Fjordane, Hordaland og Rogaland

Rådmannen sitt framlegg:

«Kommunestyret i Meland sluttar seg til intensjonsavtalen for samanslåing av Sogn og Fjordane, Hordaland og Rogaland. Kommunestyret vedtek høyringsuttale i samsvar med saksutgreiinga.»

Alternativ innstilling

«Kommunestyret i Meland går mot å skipe ein ny vestlandsregion av dagens fylkeskommunar Sogn og Fjordane, Hordaland og Rogaland. Grunngevinga er at den nye regionen vert stor både i areal og folketal, noko som gjer samhandlinga internt vanskeleg.»

09.11.2016 KOMMUNESTYRET

Framlegg til vedtak frå Kjersti V. Nesse, AP:

"Kommunestyret i Meland meiner at administrasjonsspråket i den nye Vestlandsregionen bør vere nynorsk."

Avrøysting:

Rådmannen sitt framlegg til vedtak fekk 25 røyster for, (7 AP, 5 H, 4 FrP, 3 SP, 3 KrF, 2 V, 1 MDG), 2 røyster mot, og er såleis vedteke.

Alternativt framlegg til vedtak frå rådmannen fekk 2 røyster for (1 MDG, 1 BF), 25 røyster mot, og fall.

Framlegget frå Kjersti V. Nesse fekk 23 røyster for, (7 AP, 3 H, 2 FrP, 3 SP, 3 KrF, 2 V, 2 MDG, 1 BF), 4 røyster mot, (2 H, 2 FrP), og er såleis vedteke.

KS - 109/2016 VEDTAK:

"Kommunestyret i Meland sluttar seg til intensjonsavtalen for samanslåing av Sogn og Fjordane, Hordaland og Rogaland. Kommunestyret vedtek høyringsuttale i samsvar med saksutgreiinga.

Kommunestyret i Meland meiner at administrasjonsspråket i den nye Vestlandsregionen bør vere nynorsk."
